

青

郊

詩

存

青郊詩存卷之五

湘潭梁煥奎著

述意

物態有勝負強弱不並域柔退無存理威暴肆其力先
聖深有憂仁理相扶植吁嗟設教心陰陽互消息弱者
勿爲肉強者不得食匪茲與彌縫吞噬當何極庸知真
宰嚴優劣終不敵靈頑並馳騫生滅聽天擇萬族何營
役但此爭存劇孰是甘淪殄放任殊不恤區區各有心
自奮復奚惑誰謂公理然顯爲強權迫攻兼無可免茲

言豈他國

洙泗去人遠吾道存絜矩不願勿人施強恕審所處舉
世情一齊大同即可語自由有原理微言接今古紛紜
羣己間權視界是主分限自守之侵妨斷無取社會賴
維持人道遂不苦曰從獠狂來演繹粲然著人惟不見
詐我自不虞汝孟公述法意持此世有補治平實人庶
王綱但宏舉鳥獸不吾同非斯更誰與羣學見廣狹功
竟各得所

寄賀巡警同年

國昌 貴陽

儒生款款向斯人情俗蠻荒久更親未必蜚騰如子意
獨於離索見吾真江山搖落風雲異書卷飄零筆札新
十載石船勞寤歎不緣時事已霑巾

誕日醉歌酬座中親友

斗柄初迴天北極

時正定期
召集國會

閶闔乘風生羽翼自搖小

草向晴空澹蕩青冥動寒碧三十無成歎四十憔悴年
年損顏色陽回幾日作小春信有乾坤報消息人生時
會安可知平陂反復無窮期時危轉側春冰薄雞犬噉
嘈且安樂悲歡變幻須臾問志意能令歲月閒山中雲

橫涼雨歇叢菊滿地霜下傑引觴自酌更勸客爲客起舞歌嗚嗚百年事業今有無今我非智昨非愚俯仰顧盼誰吾徒客兮客兮且共盡懽三百壺此時此節何躊躇

金塘歎同秉胤作

有序

金塘蘭亭曾丈故居丈爲余外舅懷才不顯鬱鬱以終外姑唐氏旋亦下世合葬金塘迴念少遊歡情未沫春間還縣迫事未及上塚內子獨往頗傷零落頃聞田宅將歸他姓內子悽然有述因賦此篇

昔我遊金塘草樹交蔥翠鳥哢入新謠春醪約深醉今
汝過金塘無復夙歡憇頽垣覆車轍村巷久蕪廢廿年
人事煙雲中物態變化何忽忽翁也奇才不得展結茅
舊壤傷天窮糟牀書架滿屋角汎掃清淨包儒風苦思
略識天人趣微吟不睹時世功奈何潦倒謝我去平生
愛慕無尋處孤艇猶疑下湘水漁燈誰與流瓜步外姑
愁病亦白骨荆棘高墳宿山霧寒鴉夜叫悲向晨不見
翁時手移樹樹無故葉人盡凋遑問遺茨果誰住世間
陵谷有遷移豈直金塘非舊時寒燈卻憶芳春節鴛瓦

亭亭連理枝根柯幸自深盤互三宿浮桑未忍悲

同作

曾廣勗

尚憶承歡日金塘事二親而今上親塚不見塚中人

光緒癸巳歲喪父癸卯歲喪母先後皆在金塘宅中余不及視含

況是嗟零落如何

忘苦辛他年重展拜應更涕霑巾

金塘數間屋我有今昔情淚下不忍念念之心更驚

杯棬雖有澤門戶已無成

弟廣錄承桃亦物故

向日經行地衰

草忽縱橫

贈李君誦堯同明皆作

吾聞灸療之術今不傳時手奏技徒茫然甲乙上口三
兩篇高談肺腑無與賢有病不治甘沈痼盧扁千年難
一遇物質理想何紛紛未睹宿疴離體去心知先哲有
妙秘使我欬歔屢瞻顧李侯哀憤走四方黔山隴水孤
遊康國病不活歲月長人生短促嗟羸疴儻起難起羣
膏肓誰言國弱不由強劉郎寄書遠相詫爲我炷艾薰
蘭麝元精耿耿通古人直湊單微回造化賤疾蹉跎苦
不支豈知冥索得神奇清霜趣入唐叟髭重愛李侯方
賦詩吁嗟李侯勉活病國爲國醫

秉州檢甲午乙未間贈答舊稿出閱因題其後

婆娑已是退衰餘恩數還思繾綣初徐淑有詩皆慧性
梁鴻相約祇窮居房櫳夢逐雲山遠絲竹情隨鬢髮疏
二紀無何勞省憶篋中親切幾行書

皓月何曾夜夜圓

內子寄懷詩中語

親裁麗句自當年孤遊客

思四千里竟歲閨情十二篇帶遠襟閑淮海客風迴塵
散玉堂仙鹿門近日停駒唱更倚清簫鏡匣前

題先叔祖永寧君澹集齋遺詩

玉敦追趨日金華侍從臣
阨危封事切忠信遠人親投

暇堪援筆承家祇負薪秋茶心自苦總髮已緇塵
莽蕩太行山翱翔入故關使君騰遠略遊子激悲顏寇
卻絃歌地身摧戎馬間壯心徒委棄生事亦屯艱

鸞掖優才思文章萬口傳至今山右集如睹白雲篇但
恨民無祿難教天假年淒涼念家國惟有涕潛然
吾叔亢宗子平生墨者流爲文述先德與世累窮愁慘
澹楹書在蹉跎吏隱謀滄桑無限意素雪欲盈頭

寄巨川員外從父京師

阮籍風流已不凡齊名文苑愧阿咸

癸卯歲與叔同舉特科

儒臣

世有新彤管傲吏家餘破布衫日下千官斑鬢脫北來
雙雁錦書緘山居寄語供嘲噓世味都忘酸與鹹

雪

體物何人解道鹽堆盤兒女弄纖纖平看半嶺窪間聚
早向百花高處黏曉起煙橫齊上瓦晚來風過略飄檐
滿庭樓烏不能喚恐到月明寒更嚴

短歌贈朱君仲布

里中男兒朱仲布仄袖短衣向東渡十年鑄得干莫成
割取珊瑚海中樹歸來不蹴金馬塵憔悴漁樵號散人

彈冠恥見王陽貴立錐不厭相如貧獨懷礪礪憂時局
任人踐溺甘薦蓐但使閭閻飽赤秬忍與嘯歌酬白屋
故山晴雪君且眠我靜如鏡民如煙金戈鐵甲滿胸臆
乾坤激蕩今何年

汪伯唐侍郎出爲駐日本公使賦詩寄懷

何人浴日望森森手拂洪柯百萬尋海水不波瞻使節
國風能誦見詩心星雲遠近前蹤麗島嶼低徊別意深
迢遞頻年祇檣散儻勞靈景燭山林

論翦髮易服但常服宜從舊制因述二絕

偶論微管尚慚顏被髮伊川九世間餘鬢至今誰更惜
祇教垂涕對船山

不在朝儀不禮經吾從純儉有先型人間卒歲無衣褐
莫縱秦游學武靈

冬暮與羅訓循提學登樓偶望

梅花欲放不勝情孤館荒邨處處清寒犬自來多畫臥
賓鴻過此尚南征幾重蕉嶺天邊秀一頃莎湖樹外明
歲序漸闌徒侶盡匆匆樓上亂鴉聲

再寄汪侍郎

麟洲冠帶共昂藏一代元方與季方

謂穰卿

不分交期同

骨肉俄看世局入滄桑封章已自先羣彥

奏請立憲始於君爲駐英

公使時

著論猶將掃列強

君著有憲政考數百卷

赤口幾時歸擺落

黑頭今日待平章

北舍行

北舍壞茨穿百孔風來搖搖雨沒踵牀下蝟縮羣兒恐
十載無人補白茅我來忍見羣兒號呼匠作治安汝曹
匠言舊有無一好舉手牽率盡傾倒勸今棄去得新造
嘻吁改造良大難土木糾擾千萬端錙銖搜索吾力殫

苟安至竟無由安補苴作計終不完徬徨猶豫興長歎
安得良匠規畫使我無憂患

偶入城便還

白日蒼雲不可攀獨來獨往看江山文章推獎孤朋好
齒髮摧殘忍病顏舞鶴每當寥廓處蜚鴻祇在杳冥間
自今世路堪容與何惜浮名付等閒

傷蹠吟

山雨破泥溷細水興人躑躅暮煙裏歸鴉逐人行稍急
未覺塊石路旁圯前者若馳後復驅駘然踏地勢傾靡

一人傷踝大毒痛欲泣無言不能起須臾昏黑舁使歸
餘人強進行且止烏虜負重易顛躓況復危機迷尺咫
平地猶聞絕太行輕率失墜胡爲爾萬事誰肩足擔荷
習坎入坎語有旨輿中伊何鑑傷踝春冰窳窳薄可履
夜聞猿啼

我行不入峽時疑清猿哀客淚爲之下往復悽徘徊昔
歲趙使君峽行鬱孤懷猿聲殊不聞亦無飛鳥迴寂寂
輕灘橈貌與巫雲開楚江憶高嘯怨屈情悠哉空洲橘
無芳沈淪費吟才胡爲發深聽夜響寒幽醅無端激慷

慨使我胸顏摧萬彙方進化誰歟託元胎

達爾文進化論言猿爲人

祖類之

遐方有奇士博言妙心裁

聞德國有博言博士能解猿語

靜審得

通趣未厭鳴相催荒山謝諸籟儻有悲風來

寒夜還山居作

五里識歸路寬然道途間終歲不輕出累月一往還伏
中既憚暑臘至常苦寒枯退處牀室更阻行步艱偶爲
城中遊親從陳午餐歡若久契濶婦稚驚相看城人訝
余至爭集暫得歡所憂日晷移蹙蹙不得安誰言道里
近未若關山難薄暮寒氣嚴霰過雪始漫胡事謝羈束

違情轉吁歎入輿偃且暝形念委于閒勞生豈吾志奈
迫憂患端氣候況相煎安知膂力殫獨居信云樂庶得
長衰孱寄言僕僕者勿忽凋令顏

追懷先師鄧白香先生贈其孫良梅良杞兄弟

吾師矯俗姿溫厚沐詩教高志徹三百獨領羣言要陳
思蘊宏旨粟里發情妙遺篇雖不多所吐懷中奧平生
精趣存艱苦見歌嘯憶昔冶城遊昕夕侍言笑論詩語
繁複有請靡不告賦成時點竄見軌被溫貌沾漑寢以
滋久乃與師肖仰仗接于天靈府悲孤造

癸巳歲師還
道山當時余

所爲詩稿於旋湖途脫爾業無成蹉跎塵鞅掉湘山酌
中失去不復能省錄晚泉鍾阜懷夕照白香在人間瞻言有遐蹈高門忽零
替信爲哲人悼諸孫睹來許疑然俱善少基構倘再新
庶循積餘報流風百世下綢繆託先導爲問怡園梅今
誰展幽眺

送韋道人還山

迂嘯久無和沈吟今有人與君同感激相將懷隱淪歸
去子孫好重來歲月新更尋庚戌集長踏青郊塵
平生歲寒意與物總能春一室果何似悠然形影神得

句還相笑聽詩祇自親孤居抱吟卷思與子爲鄰

沈幼嵐中丞枉過山莊卽送其開府桂林

昆明池畔留鞍鞚獨秀峰前候節麾薄海喜聞新命日
中丞遙奉國恩時初春雪色迴元氣大庾梅花早北枝
曝背由來野人意爲公三復鶴鳴詩

獨居

歎老嗟卑酒勿陶爲傷多病得天豪身隨霜霰如梅瘦
心入風煙與雁高於世自知無可語浮生祇是不能勞
離披夢幻同千歲枯木龍鳴何處逃

周印昆自吉林寄贈鹿筋賦謝

本草多能上食單鹿筋誰分雜疏盤堅強早與邊風競
調劑徐教病骨安已入山林同野性偶供藥餌當朝餐
殘生容我枯腸在遠道酬君厚意難

歲暮示客

我無先人遺金藏屋後又不能食太倉米五斗挈孥歸
臥湘門東瑟縮敢與時人通自顧抵趾無樂處坐臥未
得安便具顧慚力乏奈食何取精於物羌無多有穀有
藪舉箸不下膈壺觴兀對愁賓客得錢銖寸有從來自

約祇戒輕用財濯冠澣裳粗取足他無供給謀徵逐瑣
屑料量俗中愚吝乃惡德乖良圖行之維艱奢入儉坐
食山空情可見懷金結客古所豪惜哉朱郭非吾曹嚴
寒厲風客下馬入門磬折涕唾下凍顏悽語知客心城
中豪家不可尋郊行勞苦貧非病肯使泉刀抵性命自
矜意氣輕世情客今毋爲淚縱橫腳爐熾炭煮白酒萬
金舉債復何有卽我病中落寞非昔年猶將勸客一醉
歌此篇自古聖賢盡貧賤豈有百年天不變況今生計
激爭時母曰天事非人爲酒中誠令鮒魚死安知人生

且至此揮杯不飲意悠悠山窗梅枝攪客愁誰能使我
灑然騎馬入城市手奉朱提壽君子

歲除即事

明旦已是明年來今夕不聞今歲回欲拚寒飲偏憎酒
未入新春先破雷籬邊叢犬喧城客池上凍煙開野梅
兒童自擁瓶花笑村巷曾無臘鼓催

辛亥元日作

瀛洲昔造元日句忽忽歲朝過五度偕隱天桃洞口花
閒居弱柳門前樹年年世外物華新別有幽情紀令辰

垂檐梅蕊窺天意，浮椀椒花憶遠人。
韶光轉眼如流電，人事關心逐飛箭。
舊侶逡巡金馬門，新歌惆悵宜春院。
恭聞清問及民生，海內居然仰太平。
節候不忘秦隱逸，陰陽何與漢公卿。
魚龍曼衍春遊樂，簫管旌旂動城郭。
四郊雲物野人心，獨向晴空倚高閣。

美洲之花行

三弟自華盛頓寄美洲異卉數種，雜植園中。

洛機翠嶽雲下垂，美洲之花何離離。
密山盤結丹木枝，美洲之花根可移。
遠折瑤華天萬里，神農不識戎王子。

賢哉子季一雙鯉美洲之花妙諸佛淨土蓮開湘水活
美洲之花笑天女繽紛散作湘山雨

廖笏堂觀察築瓠尊山館與予爲鄰落成之日放歌見
贈酬以此篇

山川悠悠長不滅百年苦樂如飄瞥莽蕩微塵著汝我
放皆乾坤五情熱弱水東奔惡浪翻扶桑西偃愁雲結
愚公累世終南移巨靈一手太華裂結網臨淵尚可圖
拂衣蹈海從誰說管寧避地且復避莊周達觀聊爾達
錙塵軒冕胡爲然跌宕文史終自憐鳶肩火色不入眼

蒼狗白衣長在天三閭大夫卜居日五柳先生述酒年
種瓜邵平生活拙穿徑蔣詡來往便自今褰裳荆棘底
且與負鋤桑麻邊雙丸躑躅催玄鬢願取麴蘖傾流泉
笏堂和予前詩招飲山館汪提學酒酣高歌復作是篇

兼贈提學及譚議長兄弟

笏堂野興閤湖濱結屋喜與青郊鄰高樓碧葉落愁眼
茅亭山花生遠春未暇種秫作美酒且復炙雞招故人
年光婉靄動車馬陌上微雨收流塵笏堂談兵善舞劍
山中讀書殊不厭十年轉側身手強浮海居夷鬱孤念

偶開山館能留客譚三兄弟連城璧脫略公卿雜傭保
汪九豪談翰林伯翰林燕市昔悲歌南部新聲懊惱多
大地煙花二三月崐崙高臥人蹉跎祇今秘殿銅龍掩
鬱律瑤池水不波念奴落拓梨園盡白髮潛行奈老何
忽然法曲入吾耳風動寒芳破梅蘂雖無絲管和金石
簾外瑋琮半池水江河日下雅音亡誰識人間能有此
自從舊院別仙郎人事沈酣雜悲喜三年君頗鳴驚人
我自吞聲萬夫底今朝卻憶京華春登場傀儡誰家子
東風吹雲飄客衣酒罷欲行不肯歸願君更唱鶴南飛

莫言苦奏知音希樓頭青眼君庶幾曲欄引手情依依
候君晴日掃郊扉酒魂詩膽共忘機

次韻三弟自紐約寄詩見懷

目營八表道何之造化爲工若可知當世婁輸誰汝伴

中原孔墨並吾師欲教臣馬同君馬堪使黃獅勝白獅

南史梁武帝時波斯國獻生獅子帝問曰獅莫訝祥金

子有何色劉顯曰黃獅子超不及白獅子超能躍冶六州殘鐵悔今遲

弟此行遍覽歐美著名鑛山論學術又多感懷

時事故篇中及之三五七言週文

姿瑤雪貌古梅枝苔凝冷砌藥碧泛新醅垂垂玉影寒
風漾密密花光曉霧開

寒夜書感

夜光飄蕩怨蘭釭沈水煙橫影不雙身世此時看古月
風波隨地入寒江輪困肝膽都無幾憔悴鬚眉總未降
注目高空春意動玉梅飛雪冷山窗

送盛潤珊兄之官江右

憂時敢復計官卑捧檄毛生意可知文字功名看肺腑
交期志業逐鬚眉江城微雨誰相念親舍孤雲有所思

濁俗幽懷成薄宦風塵蹤跡處囊錫

林君孟蕃久別見過有贈

晴雪郊原問馬蹏琴樽回首舊提攜文章記室宜嬌女

令媛韻
仙能詩

眷屬逋仙有小妻今日襟顏俱老大十年談笑

各東西橫流我自隨滄海意氣浮雲君與齊

平遠樓同汪頌年對酒看雨

有客對雨晨款門昨宵入表嗟同昏將開未開柳葉甲
欲斷不斷梅花魂沈沈山樓坐飲客一酌再酌天地濕
醉裏誰知酒聖賢風前無限春消息

壽朱雨田閣學文九十

人瑞坊初築青城山可登期頤方度越志氣有靈承要
道八公授元精五老應自今瞻泰斗從古頌岡陵豈恃
長生訣能教三壽朋鄉閭同福蔭家國此休徵不老餐
芳菊常春杖古藤璽書看婉變綸閣羨飛騰天地奇材
構山川問氣蒸大賢惟克念令德若無稱儒術知何補
文章敢自矜賜官高李冶有子邁王宏憶昔風雲會同
儕項背昇招邀勞燕雁變化委鯤鵬念亂將投筆忘機
欲避矰弦高競勳伐猗頓較才能比屋封伊始連城價

屢增茶經分隴塊鹽論合淮秤萱圃芝銜瓦棠坡繡列
膝痠瘕心所切瘡痼國方懲賑每開倉廩施寧論斗升
孤嫠煩愛護黠猾戒侵凌共信積能散誰譏負且乘瞻
依如父母福惠及孫曾自是才無敵猶言德勿勝末流
嗟累卵時局凜堅冰鉅細由操縱昕宵有戰兢一斑窺
隱豹污點絕飛蠅治理通烹割人倫泯愛憎業成金作
礪教始木從繩子弟羣英聚家庭百寶興崢嶸通德里
繾綣讀書燈繡服騰貂珥華旌矯鳳綾郎中兄內史庶
子友家丞爲政專隆孝承家見享烝宗風無與比世變

日相仍舟楫誰堪作河流庶可馮萬夫青笏起千頃碧
波澄高浪迴三級崇臺抗九層羣流歸海濱一派別湍
澗小子交元季情親託股肱登堂聆月旦含笑斂霜稜
引手商山皓扶肩太白僧後凋寒古柏卓立健秋鷹邈
爾遊鷗運悠然薰麝凝洞庭春勃鬱衡嶽勢峻嶒恩數
今尤異祥符信有憑雙星齊角亢兩極接咸恆舊德頻
回首仁聲久服膺獻詩陪耄耄第頌法雲初

春閨怨

春月冷於秋此情自今古照盡千載心不照妾心苦

弄竹行下階流淚莫墮地今年不茁笋上有別時淚
枕絲勿雙翦雙翦便雙愁三春海棠恨夜夜在牀頭
絃急那可緊緊絃絃欲斷弄我別離音絃絃爲君緩
海水萬里外照海入心曲窗前楊柳青看似海頭綠
三更至五更尋君夢何處月落禽有聲所悲天欲曙
軋軋夜有聲絲多不成疋勞此心上機徒思復何益
流鶯驚我朝飛鳩噪我夕不敢向人啼豈料襟袖濕
別君花滿牀思君花滿樹花影落衣邊欲擲不得去
傾酒不獨酌把鏡不獨看酒盡恐淚滿鏡圓傷影單

贈張正暘文學登壽

柳下傷三黜諒哉直不容史魚顯節概維直匪必窮張
子古直道日與枉曲逢情真見謂僞事拙見謂工謂工
事多違謂僞情罕通黃農去人遠世乃無直躬我與張
子期靈府來悲風蘭芳與艾別鵲性喜鳩同物雖適所
化妙於一指中星氣不可留江海固有終當花且與春
寧爲桃李功吁嗟告張子爾師如游龍

次韻答潤珊登樓感賦即以誌別

與子茲樓別春光去且還遠離殘病裏愁對雨中山浩

蕩雲情活纏絲柳意彎扁舟如可繫衣袂不堪攀

和明皆次韻酬潤珊

二月郊扉寂鶯嘯燕未還出門愁送客勸酒爲看山心
定春能破腰強老不彎碧桃花自發除汝更誰攀
疊前韻再和明皆

病骨憑誰換從容丹丸還春來無俗客樓上有青山新
燕窺簾怯明蟾照水彎一湖垂柳盡恐爲離人攀

晨起對客

撲門浙瀝洗春塵深院流鶯貯曉春二月郊原多是雨

一樽談笑豈無人停車文字開懷久伏枕乾坤述夢新
坐對幾時看屋壁虛舟何處著吾身

次韻和答曹毅亭見寄

之子湛冥日誰歟識俊人笑啼隨大塊身世一微塵俗
累催頭白天讒與命親騫騰終汝分蕩取眼前春

次韻酬李誦堯三絕句

天窮不樂命由然擺落窮愁與病連羸疾平生隱居日
六年靜念歸園田

泝游奇方世豈知盤旋湖海識君遲勞君萬杵玄霜白

左肘何由誤柳枝

積垢寧能頃刻新
袂除拚與道書親
人間未解青囊訣
浪說仙家爛熳春

次韻和曹籽谷春寒見寄

老趣留湘綺詩豪醉座添

前日飲集山莊湘綺翁在座君最後至

浮雲生

石罅涼雨落城尖
未忍青春負聊爲
竟日淹樓台看變

化金石見精嚴

時學校議以銅元舊版爲化鍊寶習工場與藩司方有爭論

世事憂

心擣閒情秀句拈
對君能咋舌憐我
獨掀髯健鷓九霄
奮寒蚪一壑潛中
邊聞佛說如蜜祇
教甜

見內經有會而作

乾坤悵望一縱橫物態風光見此生野馬塵埃無著迹
蟪蛄朝菌不同情非身直是未須病有眼何當更自明
去日崢嶸來日變片雲江上遣陰晴

庭中雜花

海棠沈沈呼不起梨花滿地梅結子雨中怕有杜鵑嘯
催破辛夷玉蘭藥

白牡丹

朱顏容易委春風冰雪交融意不同識得初心祇如此

莫教狼藉一分紅

玉樓著處有笙歌
魏紫姚黃豈足多
諸相欲空空不得
本來無色更如何

不履繁華體自芳
誰將玉石比貞剛
世間名業幾人聖
汝是花中一素王

入城過明皆晤女士楊莊適王翁心培在座明皆以詩
見贈次韻和答

三月欲半春始晴
苔滑鳥喧風滿城
強起山居少人事
過訪詩客非世情
靜女詎思賢智出
老儒吁嗟愁苦并

主賓此座信俱美誰似塵寰歌哭聲

次韻和彭子敏見贈

一往林巒趣相將鸞鶴羣孤懷誰賸我詩思獨宜君歲

月頻相謝風雷震有聞時邊事多警何憑遣愁對日誦五千

文

三弟再遊地球歸應李仲帥之約經畫滇礦贈以此詩

兼懷滇中諸君

神州何局促浩蕩極幽遐予季行無已吾生知有涯漢
廷聞鑿空海客見乘槎瞻望勞今日車書正一家

傳聞九州外富媪出神奇取則柯誰執成功實莫虧豈
緣貪郭穴終恐誤楊歧欲鑄裏蹠者山靈詎我欺

在昔開南詔精金四遠聞補牢今悵望東濕日糾紛

滇中

奏弛銅禁地逼交鄰國心憂揖盜羣崢嶸迴眄處山澤有餘

雲

萬里滇池古朋簪集勝流

謂秦宥橫魏梅村兩同年及熊鐵巖戴洵若諸君

風

颺余意遠憐汝樂孤遊劍且延津合珠寧闔室投負書
違始願吾道幸相謀

次韻和楊莊紀事四首

女士楊莊遊日本學機織歸創女工織布廠以教養
里中貧女製布工美庾戌歲南洋勸業會嘉其成績
得農工商部奏獎女士爲詩紀事次韻和之

縻緯傷周且下機世情生態況全非溝中白骨人皆省
誰悟朝來季女饑

望中靈匹渺年年銀漢歸來便得仙識破支機天上巧
家家爭乞七絲牽

蕭然杼軸意傷殘促織聲中夜月寒不惜停梭擁愁鬢
女紅猶作漢宮看

剪裁揮霍勝吳羅天上秋雲水上波見說侍臣勤奏御
璽書昨夜出頤和

雨霽散步

春盡稀逢雨後晴秧鍼出水水初平鳴鳩十日聲無數
纔聽流鶯語數聲

次韻王佩初同年卻寄散原

與子相矜被服奇復憐同調散原詩文明祇有艱貞日
窮窵終勞寤寐思才士精神到磨蝎癡兒啼笑入蒼龜
離居各掩新亭淚碣石滄江未可知

時英於片馬俄於
伊犁事猶未了

次韻和王心培感興七首

老鶴孤鳴意未休
眼看江上起羣鷗
心塵冉冉留時盡
幾度烏雛飛白頭

儘有芳風息百昌
靈根茂苑久摧傷
枯楊敢道無生趣
復見天心動老陽

刻意孤吟鬪險巖
察頭詩卷廢朝餐
池塘一夜生春草
誰信難兄弟不難

囊括詩人鐫墨華
殷勤諸老勝乾嘉
三唐以上包前古
奴視丁籤百六家

珠叢談藝失羣倫，
埤雅當時號等身。
父子弟兄師友分，
眉山去後此三人。

九食三旬強作高，
間眠頻轉午時胞。
白衣道上重陽節，
客與柴桑是酒交。

西山夷叔自清風，
九十誰憐帶索窮。
歸去行歌意何有，
人生如夢大江東。

迴廊晚坐

客去柴門晚，
廊空樹影斜。
風煙催宿鳥，
衣袂落庭花。
俗遠多爲興，
時艱漫自嗟。
含情對朋舊，
隨意問桑麻。

邊事

羽書飛漠北烽火照滇南未解西來意空爲紙上談籌
邊誰幕府殺敵有丁男世外無消息寒鴉去兩三

天驕復何忌所懼有侵陵伐國仁誰信流言智自矜寧
聞漢幟拔猶慮杞天崩倘爲嗟離析無因問廢興

故人

白浪青雲天地寬心閒身苦笑啼難三年乘馬心無睹
五月披裘意自寒長共醫師親藥鼎欲從海客把漁竿
故人相見藜牀曲著意題詩百不安

劉江生留宿山齋夜飲有作

物色遷流共率真好顏枯鬢轉相親
林花落盡催嘯鳥
山雨飛來笑故人
詩思已傷三月暮
郊遊休負一年春
病殘霑滴難言酒
強爲酬君進幾巡

明皆和子雜花詩句中獨遺梅花再疊前韻爲梅不平
予前詩實遺桃花更疊韻賦此爲笑

人生無情愛不起君自寒酸念梅子主人早喜遺俗心
辜負繁華碧桃藥

夜聞子規

惻惻子規夜區區蜀帝心千齡猶舊恨十里有哀音響
替風能斷魂搖月不陰如何閨裏夢聞此更無尋

芷蓀提學次子前韻見寄再疊奉答

何處春山堪兩家有時珠玉照塵沙清流濁俗安孤抱

野屋城人悵一涯明月嬋娟知自慰

君新有弄璋之喜

大風飄

颭可須嗟

閩英俄交涉案已了

臨江愁思消長笛獨寫深情笙白

華

青郊詩存卷之五

女士梁若愚校字

青郊詩存卷之六

湘潭梁煥奎著

述論七首

夷吾專齊君數歲國大治季孫柄魯政綱維多廢棄用
戚不若疏枚卜以功試從來恃憑藉往往乖措置覆餗
良亦羞投鼠諒有忌自非屏翰資豈稱公輔器君子貴
不私具瞻民所跂

高志魯兩生良謀漢三老垂情當世事慷慨各懷抱苟
能合羣策匡濟功豈少顧厨與俊及標譽亦矯矯徒以

言
老
一
勢孤弱忠讜不自保明廷集眾思風行德如草納牖豈
無期盍簪固有道殊途晞同歸任重懼力小發言咎誰
執宜哉聽之藐

多財善賈者奇贏擅深計雖曰逐錐刀利市恆三倍稱
貸豈足豪妙有計然智國苟戰以商貿遷復何異持此
猛鷲心趨時以爲事壁在終自完連城歸趙使得子必
過母不爾何所利咄咄念姬赧崇臺起平地

我聞青海西大地皆黃金又聞古朔方多稼蕃樹林萬
里何遼廓履綦無由尋元象不秘惜山川悲阻深逝將

策同軌響然金玉音廣漠錯交衢電靡十駕駸百產日以滋因之弭戎心厚地信可縮駟馱徒秦吟

人事營衣食物力耗已竭良無終日謀頗覺生理絕盈滿信爲災淘汰焉可說生殺迭相乘蕃滋兆殄滅鄰政務殖民謀國固非劣荒服饒上腴詎與九州別移我耕鑿民所事無巧拙新疇各就治何憂不寧活

我有阿堵物藏之泥土中千歲不一視長養滋無窮棄貨而怨貧騰笑鄰家翁瓶罍既云恥杼軸嗟已空向無山澤利安睹造化工能者採取之使我民力充眊彼鐵

嶺鐵愕此銅山銅什五償所求傲然吹薰風國君言有
無抗手諸侯雄

舉世慕強權所爭但一戰常貽樽俎羞豈免兵戎見帶
甲三十萬未足充組練編氓餘老弱干城國中徧馭以
百夫良各自留郡縣後備今頗精團屯古稱善有事民
盡兵征伐得形便無衣唱偕行戈矛競修繕庶幾興王
師同仇清禹甸猛虎常在山銷萌國威建

井水吟爲師節婦作

有序

長沙師節婦彭氏女也能事姑家貧出傭於外年未

三十喪夫無子女其兄迫之嫁既行聘有期矣得兄
告言當赴姑姆家乃於道間解頭上巾繫巨石頸上
墮井死葬地近吾別墅詩以哀之時宣統三年三月
也

井水百丈寒未若妾心冷信得此時心不將身入井十
七爲人婦良人灌田園不怨操作苦但知阿母賢阿母
重新婦貧賤得如汝足以相周旋阿母常苦飢時艱婦
難爲去家爲人傭爲傭復何辭良人數日病忽忽乃不
起妾今視阿母不得相從死奈何終爲傭所賴活阿母

妾有親父兄不復知我懷謂當遣我嫁日夜相煎摧云
有好家門聞知遣媒來三十始結髮勝汝初嫁時他人
信難求適與汝命宜汝身幸得託誰復爲汝疑憂樂如
循環後日汝佳期新婦聞此言胸中大悲傷兄言豈不
然鄙意非所量既爾吉日近今當過親戚薄暮無人行
一步一歎息妾有青紗巾纏繞四五尺繫頸前至胸裏
此道旁石道旁何所有井水深且寒下從見良人念母
在後單師彭走相問兩家俱言無頗聞過親戚聞是過
其姑借問其姑家新婦昨來否姑言殊未來或迷失道

走一時失此婦徬徨去何之誰知井水中皎皎冰霜姿
葬之南塘隈夜夜啼烏雌

送曹毅亭桂林之行

物色在何許桂林天下奇江山易爲客雁鶩起相思慷
慨無前哲憂危又一時誰能道大適姑與俗委蛇
已隔何云別言分未忍乖相望日千里祇是觸予懷疑
庾山形險灘瀟川氣佳羈遊猶可樂恨不與君偕

題齊山人 璜 借山圖

胸中五嶽撐林壑卧遊偶與宗生約但許橫空闢心眼

不勞選勝誇腰腳畫師遊客不並傳茲圖真趣高前賢
千山萬山盡經歷五日十日相流連君今借山我借畫
一朝償盡遊山債不惜還君十二圖相期掃卻三千界
寄懷歐陽節吾兵備梧州

梧州使節擁清塵湘水間居笑白蘋祇我故園供短鬢
知君行館有青春峰迴久斷南飛雁山好能留獨秀人
自是干霄鬱時望不愁松桂不輪囷

贈張瑞吾新婚

有序

夫標梅知其迨吉天桃喜其宜家旭日爲泮冰之期

三星有束楚之詠從來詩教每賦新婚況工詩善畫
尤精楷體有新婦若仁和沈女士者乎吾友張君瑞
吾求賢得賢兩美既台爰歌六章以附國風昔者畫
著金石出房璘之家隸寫文章傳封緼之體非由一
手已足千秋況總諸家之長更申偕老之願方其成
禮之夕必有定情之篇屬在賓筵宜登里奏情非徐
淑素琴理其芳心韻答繁欽香囊標其麗句庶幾笙
磬同音瑤琬並報亦蘭幃之勝趣藝苑之華談也
不見章臺下楊柳碧絲絲含煙照春鏡何似畫眉時鴛

鴛立芳渚翡翠鳴清池綢繆君子意窈窕佳人期良辰
及婉孌歡娛方在茲

有桐必有鳳爲帶復爲鈎盛年禮自飾良匹意何求明
星有會合微波通蹇脩玉臺銜寶鏡金屋映朱樓歸妻
日始旦鳴雁在湘洲

洞房蘭麝薰繡被合歡紋管絃開曉日冠蓋接浮雲弄
玉逢簫史東方倚細君同心百子結留仙九華裙含顰
雙卻扇低詠不相聞

鴨鑪常作字鸞几欲無塵月圓高閣夜花發錦屏春投

篇謝道韞援筆衛夫人善畫兼三絕傾城在一身閨房
賭黃絹牀下拜逡巡

衣上金泥帶纏綿無別離青鳥雙飛翼珊瑚連理枝惟
裁機上錦不作盤中詩縹囊開委宛琅管度參差鳴雞
莫相報玉色日遲遲

言情情靡極云樂樂未央洛浦憐曹植巫臺笑楚襄飛
燕依依紫幽蘭細細香二妙傾松醕雙清展蕙纈珠胎
容易長從教夜有光

周印昆以叔母喪歸復出過長沙時吉林火災官舍幾

盡於其行作此詩

歸心倉卒自酸辛
狼籍離憂酒入唇
破曉子規橫血淚
出林鷓鴣赴殘春
寒笳絕塞愁無語
獨夜山阿若有人
分手斷雲深望處
極天榆柳盡煙塵

羅趙兩提學暨朱菊泉廣文見過有作

去住層雲白日浮
芳菲未歇此淹留
身經荆棘聊酣飲
意在粉榆得勝游
一瞬荷衣追老大
滿山樵唱許歸休
成都鳧繹多風迹
拄笏無因生遠愁

次韻和印昆通守別後見寄妓席懷舊之作

傷心佳麗近扶桑
羈旅無情海水長
別裏不禁逢酒盞
愁來猶得睨紅妝

朝雨輕塵楊柳枝
旗亭哀唱有新詩
知君不下臨歧淚
濕到青衫獨此時

愁解征驂卻送春
百年離合豈無因
晚來平遠樓頭望
雲白山青一故人

聽友人讀詩贈王佩初同年

柴門隔塵鷲長夏
卻賓從服食稍優暇
孤琴時一弄思
與古人遊清晝
眠無夢念我同心友
書史迭相送再拜

謝書史瞑坐不能誦翁來讀使聽一一新理洞迴風庭
樹聲應節時鳥哢噫氣豈在人奏籟答騷頌誰云耳爲
目未得一官用平生遇吾友情至意彌重浩蕩接遠悲
安知體所痛神交善處寂一往無儕眾逝將躡前哲心
期百年共靜居自取適嗟已傲羣閨矧茲求友篇遙情
邈然縱

寄懷楊哲子都門

昨夜夢見君頽然皓君首訝言別未幾何忽遽老醜天
地正愁人智者謀速朽凡百意未遂煎迫何可久求仙

本虛誕誰與松喬偶我言處一世豈在貳天壽但樂毋
自苦於人復何負縱浪須臾期憂懼舉無有所以曠達
人放意傾杯酒在川情一往超然歎魯叟物論未能齊
太玄堪自守知君夙慷慨今倘如昨否苦憶向來歡白
日照窗牖

趙竺原京卿督辦廣西鐵路道出長沙見過山莊即送
其還桂林

鷹隼奮搏逐凡鳥皆噤聲如何下閭闔飄然縱孤征南
疆據巖險王道失蕩平強敵既窺竊蝨賊復縱橫存亡

旦暮間局促功無成向無交通謀何由展經營切切念
桑梓慷慨命此行東郊風始和夏至天微晴治酒過山
居新知若平生歡論及當世去去就歸程先世共鄉閭
遙瞻寄深情

夢中得句

春色去何許飄搖蘭渚東悵無垂柳綠空見落花紅
春色去何許切切愁風雨燕子悄無眠黃鸝嬌不語

嶺竹

野步涉西園蒼然見修竹春分始出地夏至已過屋發

葉布枝條眼底蕭蕭綠樵柯不見採當風憂寒玉年年
聚朋匹離立滿山麓千戶良可封何似逍遙谷庭前七
日心可作奇書讀當時乏良箭皆已瞻淇澳無爲怨蓬
蒿與爾慰幽獨命酒酌其下三歎吾意足

長夏幽居

長夏幽居不掩門心無一事日黃昏風搖竹院收雲影
水入荷池過雨痕童子持竿驅鳥雀鄰翁編柵向雞豚
偶逢城客投書至屋底疏燈對酒樽

曠想

茫茫洲上土蕩蕩海中水方圓在眼中著我何處所海
中一掬水洲上一抔土生滅當何年間之不能語山亦
有時爛海亦有時翻無端著我有何意鳥自狂飛兔自
奔

和孫姬瑞同年見贈

歸傍莎湖臥草堂烏皮風倦墨池香蓬蒿松柏爲同社
麋鹿魚鰕可一鄉入道渺然忘楚老養生徒爾託蒙莊
朋交契濶還相詫轉側空山鬢髮蒼

燕吳與子久同遊袍袴蹉跎二十秋並世不圖誇李郭

救時無分揖曹劉青雲一道飛黃鶴雪浪千條點白鷗
薄宦且成山可買鹿門誰爲故人愁

答王佩初

良樂今無人驥骨久摧創厯塊欲過都囂然迷所向長
鳴一世間籟足絆塵障丈夫善屈伸介者標殊尚不與
薄俗諧忍爲時人謗願余眷君子高遐夙相望蘇門有
答響誰惜淪孤唱比年膺痲疾忽忽就凋喪賦詩情稍
洽看劍神一玉德慧雖不存念此聊自壯

贈鄧震生兼致研究教育同志諸君

峩峩泰山雲豈不起膚寸河流亦滔滔豈無百里潤積
力何必多道在漸以進苟非一簣虧俄焉成九仞大哉
教育功不倦孔有訓君子愛鄉邑行遠始自近任重各
有能成城眾彌奮鄧生壯往者達識惠不佞願爲初蒙
告孤志人所信颺勉在吾黨邁征自茲迅

哀段州判

有序

段自慎湖北施南府宣恩縣拔貢朝考得官湖南直
隸州州判攜其妻及子女四人來湘一僕兼治庖貧
不能堪久不得差會布政趙公又因事厲呵之遽出

東城赴水死年僅四十餘委尸道旁竟日無以爲殮
妻子流離可哀也

城東門外蓮塘水中有靈均心不死十年挾策博祿仕
滿瀆戕生乃如此行人觀者心膽寒我亦聞之涕洟瀾
誰知當時秉國者殺人不刃皆以官末流置官盡閒冗
驅羊入羣方接踵本無芻牧飢可知悔不低頭向邱隴
司使意氣傾百僚況復揉踐猥汝曹士雖服官不可辱
司使殺士何所逃逃乎不逃且出世懷疑哲學非吾事
亦非愛國逐湘纍水波無聲從此逝嗚呼夢棺得官古

不祥官多而小如蠹蝗蠹蝗賊人乃自賊作官如汝非所量嗚呼不官猶得名佯狂誰其縱之爲汝殃

齋食

居疾有被襪非祭恆致齋毋乃苟徇俗乞靈非本懷似聞養生言常懼飲食乖取精於動物不若植物佳黃冠一羽化蜿蜒輕百骸愚者謂得仙疑與雲氣偕所以屏肉食寧直與俗諧況茲溽暑節約取無體災久持且勿藥歡妙如嬰孩藜藿何必惡烹養非吾儕

夏雨

涼雨飄疏夏已深空庭行處意沈沈籬邊閒臥一馴犬
葉底驚飛兩鬪禽入世欲爲枯樹歎無人知得濁醪心
愁來與客拈碁子倘有樵柯爛可尋

園望

山氣濛濛接遠空捲簾環望思無窮簷間蛛網常飄雨
樹杪烏巢不墜風荇帶祇隨流水綠荷衣無礙夕陽紅
哀鳴黃鶴飛何處卻在煙雲黯黯中

幽居

金經上口代呻吟長夏優游自在心白日閉門惟偃臥

嬌兒學語未成音不爭間事能看奕獨有山人解聽琴
如此幽居云可樂怪他衰鬢苦相侵

張愷陶摹古印歌

秦皇剖符宰天下丞相妙筆無儔亞雕琢和璧傳子孫
豈直連城賭高價後來漢代鑄精銅符璽略與秦時同
龍紐龜紐有制度洛陽刻畫皆名工三千年來逮今日
往往顛門稍問出流傳譜錄常失真伊誰深入斯翁室
乾嘉名輩數丁黃哀然巨裘飛鴻堂比之秦漢百篆刻
始識金薤非琳瑯張君平生頗嗜古摩娑彝器寫石鼓

自言得間窺古人更採貞珉摹印譜張君此時用力多
几案堆壓雲嵯峨目瞑意倦不自暇量度彙黍無差訛
什存三四已非少昔我聞之驚絕倒良吏衣冠欲奪真
坐使中年向枯槁我病雙瞳不得看空嗟古趣留人間
祇今美術重一世相知倘爲開心顏吁嗟乎子雲雕蟲
亦不惡壯夫何意甘投閣張君張君母爲自菲薄

空青石歌

空青產益州山中世不多見方書言能治青眚宣統
二年黃澤生提督與苗民戰萬山中因得數枚歸以

見贈賦此酬之

山藏越嶠乾坤秘三峽諸山挾靈異別有神媧一片心
向來流落人間世即聞學士窮岩石文質湮沈五千歲
稀罕無因得常睹空青閱歷垂名字治療爭言本草經
物產徒稱地理志當時宋室偶搜求不見山靈能好事
將軍持節鎮益州蠻煙犵草拜貔貅馬前見此礪砢者
云是荒谷無心求屈曲兒拳空翠出黯黹鵝卵青雲浮
中間皸然若有物玉液沆瀣寒不流皇天於物有意匠
雨露吸養無時休將軍抱特色大喜謂與我友開雙眸

雲鳥翩翩動西極鬱林歸舟帶春色袖中東海生九華
慰我幽居意悽惻古人得石多得仙煮可爲糧夜中食
我今剖此洪濛姿一滴天漿復誰識七年矐誦倘不矐
淡淡銀波淨如拭將軍豈弟俱有功豈假勒銘誇戰克
雨後涼坐

彌空雨意動瀟湘小院脩然六月涼合沓浮萍荷葉晚
縱橫流潦稼苗傷幾聲杜宇誰家淚一片白雲何處鄉
酒不中人茶亦倦午風瀟灑入衣裳

昔有四首同友人作

昔有然燈佛云從天竺來

鴉片產印度

法輪還渾沌淨土絕

塵埃藥曰何須搗丹爐不用開中邊甜若此味可蜜能
回

呼吸金剛杵花旗不動風盤珠常跳脫鍼孔自圓通金
粟莊嚴地香雲繚繞中劫灰何處著碧海睡驪龍

隨喜因緣在朝朝誦法華相將被纓絡取次著袈裟每
示維摩病旋拈天女花誰云桑下宿禪定更無他

已識三途苦誰將百劫磨沈寃消一偈回向走羣魔天
網遮無外迷津渡已多機槍終掃蕩慧眼看恆河

時與英國

東鷺山

靈壑不偶世依止恆多艱孤避致幽躅不爾長閉關念
昔邁貞元賢哲隱茲山自餘乏棲蹈往操不可攀求志
嘗引退結屋秋雲端未久復鳴騶蓬蒿相與間居世遊
所悶誰歟甘巖巒豈意地夔曠窈爾非人間悠悠桑稼
居有眾皆好顏不知有漢魏何論晉以還俗情絕交通
寧得笑我頑羣鳥翩翻來嘉樹蒼翠環逝將褰衣入徑
草未云剛何因接遐憩濯足桃溪灣

偕四弟訪橫田廖蓀咳文留飲其家信宿而返

貪訪珠泉躑躅行先生諧嘯動高情
兩家兄弟各慷慨
一代興亡有戰爭黃菊悠悠向人老
烝黎颯颯爲誰驚
豪酬深勸頻珍重天慰幽襟與放晴

久雨是日忽晴

池閣孤清欄檻斜良遊休憶故園花
但餘美酒留酣讌
且喜春泉見舊家

丈所居七百餘年故宅題曰春泉堂

江漢鼓鼙猶昨日

溪山樵牧此生涯
誅茅已約尋東鷺

避兵處

未覺荒寒嶺路賒

輓黃澤生四首

一死名何屬平生意可哀
猶能別蘭艾終不委蒿萊
倉

卒悲吾友艱危惜此才知君臨難日甲馬爲誰來
當時憂憤切覘國有輶輪羊祜猶儒服陳蕃亦黨人金
戈屬時會玉玦隱風塵蹈海甘長往翻疑客帝秦
不憑新號令惟有舊威儀上將登壇日諸軍拔幟時虎
符方急足馬革已男兒志氣無前者安危敢自知
深心入吾道相與更談兵抗迹無今古論交若弟兄恢
恢誰汝匹惻惻不勝情徒奪長城去中原有殺聲

謝廖蓀咳丈惠山轎

扶病下牀安可馬卻製籃輿蓋如瓦林垞不惜頻往來

借人猶誇有馬者自從倉卒適羅村更借於人剛一把

里人數與以把言

遠山近水多可遊欲出無輿復誰假偶然假

得不安便尖風切罅雨內瀉油衣覆頂並吹墮懼此出

遊時更寡云誰意匠奪人巧楊叟

謂楊君季棠

有輿精且雅

丈人愛我乞得之旦夕不畏雨雪下風來有聲那得入

體無拘強更瀟灑嘗呼酒過鄰曲須臾便歸意不捨

何當抱膝竟日坐發興尋幽待春冶似聞城中卻鳴篴

鄙拙與子安田野區區感君無報物倚衡之言爲君寫

涉冬久雨新築不成

山氣壓空灑作雨沈沈祇合蛟龍舞陽烏久匿偶一出
滄起油雲忽吞吐墻根泥滑苔花濕百道浮珠濺新土
老匠側足倚繩墨斷木淋漓不堪斧連旬累月輟勿繼
短垣兀兀樹下堵婁孥寄頓待棲宿舊跡頻尋心怨苦
初聞奮武今止戈已撤壇階建堂廡造邦反手築室難
詫笑青冥孰爲主吁嗟成功不徼倖經營豈在操鼙鼓
仰空補罅止天漏倘得旦暮安牖戶高竊翰翼報新晴
八表羣生有寧宇

過蔣安陽侯故宅

斯人無久存修名得長在棲託亦偶然因之持千載安
陽古良才聞風振凡猥區區仰止情不與河山改至今
瞻遺貌磊落見丰采泉湯流有聲湖霞落成彩道旁故
侯瓜蕭條不堪採華屋屹相望俄頃人俱殆盛衰固有
時桑田忽滄海不永甘棠愛誰從敬無怠零落無幾何
既朽徒遺悔一息保令名抗心復何待

灰湯行

平田漠漠日色白野水低空汎寒碧蒸騰釜氣非雲烟
歛覩灰湯沸沙磧地中有火曰明夷柔順文明文以之

不窮不變理用晦眾乃不省矜神奇邇來盛言地質學
扶輿大氣窺磅礴岩石分明見火山此地無因得熏灼
華清池水發驪山憑陵山石聲潺潺温如鼎羹稱二絕
顯晦標置隨人間由來大陸不常有海東鳥脈通炎紐
或言礦物善蒸溜噴薄靈泉亦非偶昔我東浴箱根泉
珠凝玉瀉如登仙眼前有此不措意茲遊坐令心速遄
上方熾熱下方冷不似成都自流井羣魚長養若天性
驚掌迴波落雙影四周無假憩游蹤濯手偶與漁樵逢
十里居人汲一甕煮芹作飯常從容我來掬此滌衰髮

更飲人腸鳴汨汨當前取快意云何長風吹衣未肯歇
吁嗟乎幽人託身不自高但退不樂居塵囂炎涼取與
俗嘗警道旁觀者徒勞勞

羅村

雲墮白日浮下照松蘿徑人家在林薄嫗語谷聲應山
鳥時一鳴悠然得深聽沈沈謝塵踪孤樽亦清興村酒
未爲薄揮灑衣帶凝感茲時序徂稍覺心迹勝我有故
園梅繁花正幽艷展覩諒無因遙清知爾稱離情獨良
友近折延芳證

題李炳麟所集時賢畫冊

李侯藏畫見天真愛畫猶能愛故人指爪自然歸翰墨
心期無限著風塵山川契濶平生友花木逢迎往日春
我自厚君慚手筆略隨詩興寫交親

歎翁嫗

道旁青青樹有屋翁嫗居翁嫗苦力作卒歲常有餘朽
索買青錢置在牀一隅里中多健兒早暮心覬覦國法
一朝弛朋徒夜奔呼長呼入翁門翁言非某歟揮肱擊
翁踏嫗起驚相扶謂爾但索錢且取罄我儲何爲遽擊

翁所得寧有殊各各更擊嫗兩命懸須臾昨夜掠西家
西家多衣襦明當人大宅盡攫金與珠爲問胡爲然困
急無良圖嗟今生事艱十室九不舖奈何軍府令令言
督軍輸軍輸猶有辭似聞勞追逋翁嫗不早計徒自召
暴徒

羅春閣丈闢地種桑詩以美之

憂患良百端衣食最摩切所以蜷廬翁種桑不種秫翁
昔良有司周知民所疾地力事人生往往收厚實淮甸
接江皋耕桑茂柯質歸田展夙愛勸稼勤日出瘠壤利

無餘春蠶及良月柔條致嘉植課效皆要術闢土範茲
鄉十畝互疏密行當採盈筐長絲動成疋困蹙豈無因
本計嗟已失翁意良未已先民作無逸千農相勞勉小
康庶可必

山中度歲仍用舊厯

勳華重覩歲星道厯數三微更九州世外未忘秦伏臘
史家誰定魯春秋藏身豈待龍蛇蟄遠害姑同鹿豕遊
外戶自今真不閉農時穠菘復何憂

遊仙二十首

冠冕諸天歲月多玉臺蒼翠影婆娑何人識得西王母
幾度崑崙頂上過

青囊秘笈活人書長笑黃農術已疏親擣玄霜三萬杵
不教竊藥到蟾蜍

長鏡藥圃更桑田且課農書且學仙直欲驅龍種瑤草
躬耕多在白雲邊

一縷爐煙鷓鴣斑辟除昏濁叩玄關洛陽自有名工在
辦得黃金鑄博山

桂樹千尋斫得無廣寒依舊月輪孤人間偷曲長生殿

處處霓裳學李暮

絳節來時第一流
洪厓左拍右浮邱
方壺圓嶠經行處
不似盧敖汗漫遊

飛鳧長揖別王喬
不上秦樓弄玉簫
閒向五雲深處望
漢家仙樂正飄飄

分曹視草擁諸郎
荀令風流漢署香
玉磬聲中青瑣閉
碧天無際雁離行

落花如夢已春歸
幾卷華嚴玉女扉
散盡珠纓成一笑
更無人與鬪芳菲

天廡驂騑意未降日行三萬到槐江穆王倘有重來日
青鳥殷勤報綺窗

南嶽夫人第幾峯手扶靈景佩蒼龍朝陽照映蓬萊閣
杖底清秋萬壑鐘

越裳翡翠幾時來一炷昆明已劫灰壯士力窮功未竟
茲山猶仗五丁開

碧水羣飛海上波雷聲隱隱起蛟鼉明珠無分終成恨
南越何曾王趙佗

銅琶哀奏大江東黃鶴南歸夜月中一劍橫飛人未覺

秋燐成陣撲西風

南箕北斗鬱蒼蒼從古蚩尤有戰場欲上崆峒問消息
龍泉百道掃欃槍

江上麾幢拂陣雲洞庭歸夢雁紛紛馮夷擊鼓關心在
三笛君山未忍聞

東海微禽意自豪朝朝銜石向波濤更誰孤抱如君者
靜對寒空剔羽毛

籥足丹梯步玉肩浮雲如掃手捫星千編道藏都繙盡
獨寫黃庭上品經

不求靈藥上瀛洲已臥元龍百尺樓天際真人一遊戲
投壺聲在殿西頭

圯橋書卷絕當時博浪沙邊奮一錐不屑封侯終辟穀
赤松黃石是吾師

雲在樓落成呈羅春閣丈

辛亥秋遊寧鄉依羅春閣丈以居其地近湯泉又有
東鴛石螺諸山之勝瀉水流經門前聚族而居風俗
淳美有卜鄰之意丈因爲予築雲在樓於所居西南
隅落成之日爰賦長句

樓前一水接林扉屋外諸山入翠微別有溫涼誰得趣
地有溫泉復有冷水并故云不緣樵隱且相依忘情去住知魚樂隨
勢低昂羨鳥飛丈亦登尋少同調季倫高興莫思歸

閒中衰病此登樓相與虛襟一壑舟昭諫風流餘節操

安陽門巷共林邱不忘永慕松楸在
丈於樓上嘗望其母太夫人之墓

爲賀新成燕雀遊心遠肯隨雲出岫勸酬光景眼悠悠

愁中

身世飄如一髮輕料無雞犬入昇平空江落日旌旗色
古驛黃沙鼓角聲白馬青袍人寂寞銅駝荆棘淚縱橫

愁來極目風煙濶獨倚危樓待月明

鄂懷

南樓明月滿江城泣下魚龍夜有聲痛苦文章深至骨
哀時何似庾蘭成

螺溪寺懷陶密庵先生

先生名汝鼐明末遺老祝髮寺中

遺蹤無復密庵詩一曲螺溪更與誰縱目河山今夜月
甘心薇蕨舊時悲仍看孤鶩留湯水又入枯禪落鬢絲
古寺客來僧在否百年家國淚空垂

青郊詩存卷之六

女士梁若愚校字

右伯兄辟園先生王子紀元以前所爲詩也兄性好吟
詠童年所作意不欲以璞示人未嘗留稿弱冠隨侍金
陵受學武岡鄧彌之先生於古體致力甚專得詩積多
癸巳還湘失稿舟中惜不復能省憶其後遭家大人
喪泊膺世事遂無意韻語亦無暇及之偶成篇什亦未
嘗留稿癸卯丙午間三遊日本稍有酬贈友朋流連光
景之作然多效近體嚮所不爲也顧以有關遊迹日記
中存之丁未養痾省城外青郊別墅閉門多暇呻吟之
中歌聲間作率爾寄興不復深思自是累年輒多紙墨

以病目不能手寫皆友人代爲錄者凌亂几篋未遑檢

校

煥均

懼其復就散佚爰請於兄次東遊以後逮今所

作鈔爲六卷又雜拾舊稿數篇彙諸卷端題曰青郊詩
存付之剗刷匪曰問世凡以遺四方知舊之見存問者
云爾壬子三月湘潭梁煥均謹識